

Ammasumik ataatsimiinnermi oqaluuserisassat:

Imm. 01 Oqaluuserisassat akuersissutigineri

02. Allaffeqarfimmiit oqaasiinnartigut paasissutissiissutit

Imm. 2.1 Allaffeqarfimmiit oqaasiinnartigut paasissutissiissutit

03. Aningaasaqarnermut tunngasut

Imm. 3.1 Soqanngilaq

04. Suliassat nalinginnaasut

Imm. 4.1 Niviarsiaq 8-mi ikiuutaasivimmut ikiuutunik nalinginnaasunik piniarneq. Sisimiut.

Imm. 4.2 2022-mi Atugarissaarnermut Ataatsimiititaliap suliffeqarfimmut pulaarnissamut siunnersuut

06. Paasissutissiissutit

Imm. 6.1 Angerlarsimaffimmi ikiorteqartitsineq inuit innarluutillit immikkoortortaqrifiata ataanut nuutinneqarnissaanut ilisimatitsineq. Maniitsoq.

Imm. 6.2 Meeqqat ilaqutariillu aammalu pisortatigut ikiorsiissutinik immikkoortortaq (Team 1) ataatsimuulernerannut ilisimatitissut. Maniitsoq.

Imm. 6.3 Puigortunngortut ilaqutaannut/qanigisaannut pikkorissartitsisimanermik ilisimatitissut. Sisimiut

08. Tamalaat

Imm. 8.1 Tamalaat

Ataatsimiinneq aallartippoq nal. 15.03

Peqataasut:

Inuit Ataqtiguit

Juliane Enoksen, Sisimiut

Siumut

Kirstine Olsen, Sisimiut, oqarsuaatikkut peqataavoq
Barnabas Larsen, Kangaamiut oqarasuaatikkut peqataavoq

Naleraq

Nalunaaruteqarlutik peqataannngitsut:

Agathe Fontain, Sisimiut

Nalunaaruteqaratik peqataannngitsut

Jens M. Lyberth, Kangaamiut

Imm. 01 Oqaluuserisassat akuersissutigineri

Aalajangiineq

Akuersissutigineqarpoq.

02. Allaffeqarfimmiit oqaasiinnartigut paasissutissiissutit

Imm. 2.1 Allaffeqarfimmiit oqaasiinnartigut paasissutissiissutit

Pisortat aqutsisullu sap.ak. kingulleq ESDH atuutilernissaanut pillugu aqutsinissaminnut pikkorissarput. Massakkut sullissisut peqatigalugit GetOrganized, sapatit akunneri marlunni sivilissuseqartussamik pikkorissarput. Kingusinnerulaartukut Namminisorlutik Oqartussaniit sulisunik pikkorissaassaapput, sidemandsoplæring ingerlallugu. Innuttaasunut nalunaarutigineqassaaq, sullissineq kigaallalaarsinnaammat. Maniitsumi corona pillugu paasissutissiisoqarpoq.

03. Aningaasaqarnermut tunngasut

Soqanngilaq.

04. Suliassat nalinginnaasut

Imm. 4.1 Niviarsiaq 8-mi ikiuutaasivimmut ikiuutinik nalinginnaasunik piniarneq. Sisimiut.

Journalnr. 47.13

Tunuliaqutaq

Niviarsiaq 8-miittoq ikiuutaasivik pilersinneqarpoq innuttaasut ikiuutinik pisariaqartitsisunut atugassianngorlugu.

Ikiuutit assigiinngitsunut marlunnut agguagaapput, immikkut ikiuutit aamma ikiuutit nalinginnaasut.

Immikkut ikiuutit tassaapput innuttaasumut pisariaqartitaq aallaavigalugu immikkut tulluarsakkat, assersuutigalugu. kaasuartakkat, nikorfassutit, kaasuartakkat motorillit aamma el-scooterit.

Ikiuutit nalinginnaasut tassaappt ikiuutit assigiimmik uuttuutillit innuttaasut tamanut tulluarsarneqarsinnaasut, assersuutigalugu pisuutit, ajaappissat, siniffiit tulluarsakkat, inuttut eqqiluisaarnermi ikiuutit, nerinermi aamma illulerinermi ikiuutit il.il.

Maleruagassatigut tunngavigisaq

Inuit innarluutillit tapersersorneqarnissaannut Inatsisartut inatsisaat nr. 13, 12. juni 2019-imeersumi § 8.

§ 8. Inuit innarluutillit pisariaqartitaminnut tapersersorneqarnermik pisarnissaat, aamma Inatsisartut inatsisaat manna malillugu inunnut innarluutilinnut tapersiinnissamut periarfissanik pisariaqartunik peqarnissaa, kommunalbestyrelsip isumagissavaa.

Inuit innarluutillit tapersersorneqarnissaannut Namminersorlutik Oqartussat nalunaarutaani §§ 6, 8 § 6. Inummut innarluutilimmut atortorissaarutit pissarsiariniarnerannut kommunalbestyrelse tapersiissaaq, atortorissaarutit imaappata:

- 1) Inuup innarluutaasa kingunerisaanut annertuumik ikiorsiisinnaappat,
- 2) Inuup ulluinnarni atugaannut annertuumik oqilisaataasinnaappat
- 3) inuup inuussutissarsiumminik ingerlatsisinnaaneranut pisariaqartinneqarpata

Imm. 2. Inuit innarluuteqanngitsut namminneq inuttut atugassaminnik pissarsiniarnermi ulluinnarnilu inuuniarnermut nalinginnaasumik aningaasartuutaannut annertuumik qaangiisoqassatillugu, atortorissaarutit pissarsinissamut taamaallaat tapersiisoqarsinnaavoq.

Imm. 3. Atortorissaarutit attartugassanngorlugit tunniunneqarsinnaapput.

§ 8. § 6 malillugu atortorissaarutit tapiissuteqarfigineqartut, atortorissaarutit atorsinnaanerannut iluarsaassineq allannugtsaaliuinerlu pisariaqartinneqarpata, iluarsaannerannut allannugtsaaliernerannullu aningaasartuutit kommunalbestyrelsip akilertassavai.

Imm. 2. Suliassat imm. 1-imi pineqartut suliarineqartillugit, atortorissaarutit taarserneqarnissaat aningaasaqarnikkut naleqqunnerunnginnerisooq kommunalbestyrelsip nalilersussavaa.

Pissutsit atuuttut

Ikiuutit nalinginnaasut pigereerlugit iluaqutaapput, innuttaasorlu innarluutilik pisariaqartitsippat tunniunneqarsinnaallutik.

Ikiuutaasivimmi ikiuutinik nalinginnaasunik peqartillugu, innuttaasumik ikiuummik pisariaqartitsisoqartillugu sullissinermi piffissaq aningaasallu sipaarutaasinnaapput.

Tamanna aamma innuttaasumut toqqissisimanermik tatiginnilernermillu tunisivoq, tunniussinissamullu piffissaq aningaasallu sipaarutaasussaallutik. Arlalitsigut ikiuutit qaammatit marluk-pingasut iluanni innuttaasumut tunniutinnginnerani piniarneqaaqqartarput, ikiuutaasivimmiittoqassagaannilu sullissinermi sapaatip akunnera ataatsip ingerlanerani tunniunneqarsinnaapput.

Aningasaqarnikkut kingunerisinnaasai:

Ikiuutininik pisariaqartitsineq

Ikiuutaasivimmut ikiuutit nalinginnaasut	DKK
Negeroorut 62309	46.057,60
Ikiuutaasivimmut siniffiit tulluarsarsinnaasut	
Negeroorut 62813	90.725,00
Katillugit	136.782,60

Siunertanut kodet

Missingersuutit 2022	Immikkoortortaq	Siunertarineqarpoq	Art	Sumiiffik	Suunera
1.237.000,00	551040100	0501045500	12208100	010580	Ikiuutit

Atuilluartuunissakkut kingunerisinnaasai

Ukiup ataatsip ingerlanerani ikiuutialunnik piniartoqartarpoq, amerlanertigullu piniarnermi ikiuutit arlaqartut innuttaasumut ataatsimut piniunneqartarput.

Ikiuummik piniarnermi assartornera 1.000 koruunip missaaniippoq.

Assersuutigalugu ukiumut ikiuutininik 100-nik piniartoqarpat taava assartornera ukiumut DKK 100.000,00 missaaniissaaq. Illuatungaanili ikiuutit ataatsimoortunik piniarnermi ukiumut assartorneri DKK 4.500,00 – 10.000,00 akornaniissapput.

Ukiumut ikiuutininik 100-nik immikkut piniarneq avatangiisimut ajoqutaasinnaavoq, ikiuutinillu ataatsimut piniarnermi ukiumut tikisitsinerit marluk-pingasuinnaangorsinnaallutik.

Allaffeqarfiup nalilerpaa

Inuit innarluutillit sapinngisamik nalinginnaasumik inuuneqarnissaminnut ikiuutininik annertuummik pisariaqartitsippat.

Siuliani piunnaasaqatit naammassiniarlugit, atortorissaarutit nalinginnaasut tigorianaasariaqarput.

Innersuussut

Atugarissaarnermut Immikkoortortaqarfik, Atugarissaarnermut Ataatsimiititaliamut innersuussutigivaa akuereqqullugu,

1. Ikiuutaasivimmut ikiuutininik piniarneq DKK 136.782,60

Aalajangiineq

Akuersissutigineqarpoq.

Ilanngussat

1. NDO Supply A/S –miit negeroorut 62309
2. NDO Supply A/S –miit negeroorut 62813

Imm. 4.2 2022-mi Atugarissaarnermut Ataatsimiititaliap suliffeqarfimmut pulaarnissamut siunnersuut

Journalnr. 01.02.03

Tunuliaqutaq

2021-mi septembarip 14-iani Atugarissaarnermut ataatsimiititaliap ataatsimiinnermini, piffissami oktober 2021-juni 2022 suliffeqarfimmut pulaarnissaq pillugu oqaluuserisassamik suliarinnillutillu akuersissuteqarput, coronamulli killilersuutit patsisaallutik suliffeqarfimmut pulaarnissamut pilersaarut ingerlakkuminaassimavoq. Coronamut killilersuutit maannakkut atorunnaarmata, pulaartarnissamut pilersaarut suliareqqitassanngorlugu saqqummiunneqarpoq.

Maleruagassatigut tunngavigisaaq

Kommunimi aqutsinermut ileqqoreqqusaaq aamma Atugarissaarnermut ataatsimiititaliap suleriaasia.

Pissutsit atuuttut

Kommunip suliffeqarfiutaanut pulaartarnissaq pissarsiaqarnarpoq, tamanna ulluinnarni unammillernarsinnaasunut isiginnittaatsimik pitsaaneruserisassamik pilersitseqataasinnaammat. Pissarsiaqarnarsinnaavortaaq Namminersorlutik Oqartussat suliffeqarfiutaanut oqartussaqaarfimnullu allanut pulaartarnissaq, akunnerminnik eqqartueqatigiilluni aammalu akimortumik suleqatigiinnerup siuarsarneqarnissaa pillugu.

Aningaasaqarnikkut allaffissornikkullu kingunerisinnaasai

Ataatsimiititaliap Maniitsumut tikeraartinneqarnissaa ataatsimiititaliamit kissaatigineqassappat, Kommunlabestyrelsip Maniitsumi ataatsimiinneranut atatillugu ingerlanneqarnissaa allaffeqarfimmit siunnersuutigineqarpoq. Allaffeqarfik pulaartarnissamut pilersaarummut siunnersuummik saqqummiussivoq, taannalu ilanngussatut ilanngunneqarpoq. Qinikkanut allaffeqarfimmiunullu angalanermut atatillugu aningaasartuutaasinnaasut, Aningaasaqarnermut ataatsimiititaliamut qinnutigineqassapput.

Allaffeqarfiup naliliinera

Allaffeqarfiup ullut toqqarneqarsimasut suliffeqarfimmut pulaarnissamut siunnersuutigai akunnerni 12:00-imit 13:00-imut:

2022-mi marsip 7-anit 18 ilanngullugu sullissisut GetOrganized-imik pikkorissartinneqarnissaat tunngavigalugu, allaffeqarfimmut pulaarnissaq Utoqqaat Angerlarsimaffianut pulaarnissamut taarsiunneqarpoq, ataatsimiititaliammi allaffeqarfimmut pulaarnerani sullissisut aamma malinnaasinnaaniassammata

**Atugarissaarnermut Ataatsimiititaliap martsr-ip 7-ani 2022-imi ileqquusumik ataatsimiinnera
03/2022 - *Imaqarniliaq***

Ataatsimiititaliap ataatsimiinnissai 2022	Siunnersuut Kangaamiut	Siunnersuut Maniitsoq	Siunnersuut Sisimiut
7. marts	Utoqqaat angerlassimaffiat	Utoqqaat angerlassimaffiat	Utoqqaat angerlassimaffiat
4. april	Kommunimut.	Kommunimut.	kommunimut
9. maj			Ilaqtariinnut kifpartuussivik
27. juni			Pisoq/Ivik
5. september			Hjemmehjælp
10. oktober			Politiit & Peqqinnisaqarfik
7. november			Ældreråd /Handicapråd
5. december			Tilioq & Pissassarfik

Innersuussut

Atugarissaarnermut Immikkoortortaqarfik Atugarissaarnermut Ataatsimiititaliamut
innersuussutigivaa

- siunnersuutitut saqqummiunneqartut eqqartorneqarlutillu isummerfigineqassasut

Aalajangiineq

Akuersissutigineqarpoq.

Ilanngussat

1. Maniitsumi pulaarnissamut siunnersuut

06. Paasissutissiissutit

Imm. 6.1 Angerlarsimaffimmi ikiorteqartitsineq inuit innarluutillit immikkoortorta qarfiata ataanut nuutinneqarnissaanut ilisimatitsineq. Maniitsoq.

Journalnr. 02.01.00

Tunuliaqutaq

Maniitsumi Atugarissaarnermut Immikkoortorta qarfimmi, angerlarsimaffimmi ikiorteqartitsineq toqqaannartumik Atugarissaarnermut immikkoortorta qarfiup pisortaata ataani inissisimavoq. suliniutigineqarpoq utoqqarnik sullissinnermut ilagitillugu sullitat aallaavigalugit immikkoortorta qarfimmut qaninnerpaasaanut inissinneqarnissaa, tassalu angerlarsimaffimmi ikiorteqartitsineq inuit innarluutillit sullinneqartarneranni immikkoortorta ataanut inissinneqarnissaa, sullissinnermi aqqissuusseqqinneq siunniunneqarpoq aallartinneqartussatut ulloq 1. Marts 2022 atuutilersumit.

Pissutsit atuuttut

Allanguiniarnermi tunngavigineqarpoq:

Angerlarsimaffimmi ikiorteqartitsisarneq pillugu Namminersornerullutik Oqartussat nalunaarutaat nr. 32, 26. juli 1994-imeersoq.

§2: Angerlarsimaffimmi ataavartumik ikiorteqarnissami inuit pineqartut

- Utoqqaat
- Innarluutillit
- Innarluutilimmik meerartallit
- Innarluutilimmik meerartalinnut ilaqaataasut najugaqartitsisut
- Innarluutilimmik najugaqartitsisut
- Sivisuumik napparsimasut

§3: Angerlarsimaffimmi killilimmik ikiorteqarnissami inuit pineqartut

- Napparsimasut
- Naartusut/ernisimasut

Peqqissartoqarnera pissutigalugu, angerlarsimaffimmilu inersimasumik allamik ikiortissaqannginneq pissutigalugu utaqqiissaasumik ikiorteqartitsineq tunniunneqarsinnaavoq. Napparsimaruluttut toqulersunut qanigisaasut angerlarsimaffimmi utaqqiissaagallartumik ikiortaatinneqarsinnaapput.

§ 6. Angerlarsimaffimmi ikiorteqartitsineq kommunimi isumaginninnermut ataatsimiititaliamit ataavartumik aqunneqassaaq. Ulluinnarni aqutsineq pisortamit isumaginninnermut ataatsimiititaliamit ataavartumit toqqarneqarsimasumit ingerlanneqassaaq.

Imm. 2. Ulluinnarni aqutsisoq qaammat ilivitsoq tikillugu angerlarsimaffimmi ikiortiliinissamut akuersissuteqarsinnaavoq.

Imm. 3. Tamatuma kingorna isumaginninnermut ataatsimiititaliaq ataavartoq aalajangiissaaq ikiorteqartitsineq sivisunerusumik ingerlassanersoq, allatigullu ikiorsiinnermik tapertalerneqassanersoq.

§ 7. Angerlarsimaffimmi ikiorteqartitsinerup oqartussanik allanik atuisunillu suleqateqarnerata ataqatigiissaarivigineqarnissaa kommunip isumaginninnermut ataatsimiititaliaata ataavartup akisussaaffigaa.

Siunertarineqarpoq

Innuttaasut angerlarsimaffimmi ikiorteqarnissaminnik pisariaqartitsisut sullinneqartut amerlanersaat immikkoortortaqaqarfinnut agguataarsimani Atugarissaarnermut immikkoortortaqaqarfiup iluani, taamaalilluni eqaannerusumik aqqissuussineq sullissinermut oqilisaataassamat.

Utoqqarnik sullissinermut tunngatillugu angerlarsimaffimmi ikiorteqartitsivik qaninninerusumik suleqatiginerulernissaa siunertaralugu.

Malitsigisaanik utoqqarnut tapersersortit tapersersorteqartitsivimmut nuutinneqarnissaa suliniutigineqassaaq.

Angerlarsimaffimmi ikiorteqartitsinermut tunngatillugu inatsisit attuumassuteqarfigineqartut annertuumik nutarterneqarnerisa kinguneranik angerlarsimaffimmi ikiorteqartitsinermut tunngatillugu nutarterisariaqalermat.

Innuttaasunut ersarissumik saaffiginnittunut innersuussisinnaaneq immikkoortortap ataaniilerpat qanimut sullissisinnaaneq anguneqassaaq, taamaalillutik sullissisut immikkut inatsisit tunngavigineqartut aallaavigalugit immikkoortortap iluani innersuussisinnaalissapput.

Sulisunut tunngasoq

Sullitanik tamakkiisumik ilisimaarinnissinnaaneq malinnaanissarlu.

Sulisut piginnaasaanik atorluaaneq.

- Ataatsimoorullugu sullitanik ukkassineq
- Suliassanik pingaarnersiuneq
- Sulisut imminnut kaammattoqatigiittut
- Sulisut piginnaasaannik qaffatsitsineq
- Sulisut ilinniarfigeqatigiittut
- Sulisunik nukittorsaaneq aammalu ikioqatigiittut.
- Suleriutsinik ineriartortitsineq

Aningaasaqarnikkut allaffissornikkullu kingunerisinnaasai

Angerlarsimaffimmi ikiorteqarneq pillugu immikkut tapinut tunngasut suliassanngortinneqarput

Atuilluuntuunissakkut kingunerisinnaasai

Inatsisitigut piumasaqaataareersut sullissisut qanimut suleqatigiillutik aaqqiissuteqarfigisinnaavaat. Immikkoortortaqaqarfinmi nuuffiusussami sullissisut pioreersut ilisimasaannik atorluaasoqalissaaq, illup avataani suleqatit peqatigalugit qanimut aaqqiisoqarsinnaanera piuminarnerulissaaq.

Allaffeqarfiup naliliinera

Atugarissaarnermut immikkoortortaqaqarfik Maniitsoq naliliivoq, angerlarsimaffimmi ikiorteqartitsinerup inuit innarluutillit sullinneqartarnerata ulluinnarni sullissinerup ataaniilerpat sullissineq pitsaanerusoq anguneqarsinnaasoq, immikkoortortap iluani ilisimasat inatsisillu attuuttut aallaavigalugit.

Innersuussut

Maniitsumi Atugarissaarnermut immikkoortortaqrifiup Atugarissaarnermut Ataatsimiititaliamut innersuussutigaa;

1. Angerlarsimaffimmi ikiorteqartitsineq Inuit innarluutillit immikkoortortaqrifiata aataanut nuutinneqarnera 1.marts 2022 atuutilertussatut pillugu ilisimatitissutigineqartoq tusaatissatut tiguneqassasoq
2. Aningaasaqarnermut ataatsimiititaliamut Kommunalbetyrelsen-imullu ilisimatitsissutitut ingerlatinneqassasoq

Aalajangiineq

Akuersissutigineqarpoq suliarlu Aningaasaqarnermut Ataatsimiititaliamut Kommunalbestyrelse-mullu ilisimatitissutitut ingerlateqqinneqassaaq.

Ilanngussat

1. Atugarissaarnermut immikkoortortaqrifiup aqqissuussaanera

**Imm. 6.2 Meeqqat ilaqutariillu aammalu pisortatigut ikiorsiissutinik immikkoortortaq
(Team 1) ataatsimuulernerannut ilisimatitissut. Maniitsoq.**

Journalnr. 02.01.00

Tunuliaqutaq

Maniitsumi Atugarissaarnermut Immikkoortortaqarfimmi, Meeqqat ilaqutariillu (Team1) aammalu pisortatigut ikiorsiissutulerisut immikkoortortat immikkooraluarput.

Immikkoortortaqarfiit marluk kattunnerisigut pisortatigut ikiorsiissutinik sullissisut aammalu Ilaqutariinnik sullissisut Team 1. sullitamikkut imminut attumassuteqarluinnarnertik pillugu, ataatsimoortinneratigut inatsisit assigiinngitsut marluk periarfissaasa iluani tamakkiisumik isiginnittaaseqarluni ilaqutariinnik sullissineq eqaannerusumik ingerlanneqarsinnaavoq.

Paarsisunut ilaqutariinnillu sullissisut Team 2.-mi, meeqqat angerlarsimaffiup avataanut inissinneqarsimasut sukumiisumik inissiivinni nakkutilliineq ingerlanneqarnissaanut periarfissat annertusissapput, aammalu angajoqqaat meeqqaminnik angerlartitsinissaannut piareersarluarneqarsimanertik pillugu meeqqat toqqissisimasumik uternissaannut periarfissarissaarnerulissallutik.

Suliniutit ilagissavaat meeqqat angerlarsimaffiup avatanut inissinneqartariaqartut, meeqqap namminneq avatangiisaani ilaqutai qiviaqqaarneqarlutik inissiineq pisinnaalissasoq, aatsaallu ilaqutariit iluani periarfissaqanngippat illoqarfiup iluani ilaqutariinni paarsisartunut inissinneqarnissaat suliniutigineqartalissalluni, kingullerpaatulli qiviarneqartalissalluni ulloq unnuarlu paaqqinniffiit.

Pissutsit atuuttut

Meeqqat tapersorneqarnissaannut Inatsisartut inatsisaat nr. 20, 26. juni 2017-imi atuutitertussaasoq aallartitsinnagu, inatsisissap siammasippallaarnera pillugu sullissisut ataasiakkaarlutik tamakkiisumik inuttaasunut sullissisinnaanissaat killeqarpallaassasoq takusinnaasimavarput. Aqutsisoqatigiilluta aalajangersimavugut sullissisussanut oqinnerpaasunik atuutitertinneqassappat immikkoortortami aaqqissuusseqqinneq ingerlanneqartariaqartoq. Pilersaarusernerullu kingunerivaa team-inut marlunnit avillugit sullissineq ingerlanneqartussanngorlugu 1.januar 2018 aallartinnerani.

Ilaqutariinnik sullissisut Team 1.

Sullinneqartussat ilaqutariit angerlarsimaffimmi meerartallit, immikkut tapersersortariallit, ilatigut meeqqat angerlarsimaffiup avataanut inissinneqarsinnaaneranik ulorianartorsiortut.

Paarsisunut ilaqutariinnillu sullissisut Team 2.

Sullinneqartussat ilaqutariit meerartallit, meeqqat angerlarsimaffiup avataanut inissinneqarsimasut, ilaqutariinnut paarsisartunut aammalu ulloq unnuarlu paaqqinniffinnut assigiinngitsunut.

Aallartinnermi aporfusimapput Meeqqat tapersorneqarnissaannut inatsit attuutsilerinneqarmat, kingornalu Namminersorlutik Oqartussat nalunaarutaat, 8. novembari 2017-imeersoq atuutitertunni aammalu ukiut marlungulillartullu Ilaqutariit paarsisartut pillugit Namminersorlutik Oqartussat nalunaarutaat, 10. oktober 2019-imeersoq atuutitertunni, kingusinnerusukkullu Kommunini pisortaqarfinni meeqqat tapersorneqarnissaannut inatsimmut ilitersuut 2020 -soq, kingornalu aatsaat sullissisunut inatsisip iluamik paasinissaanut tunngavissat aammalu sakkussat amigaatigineqarsimasut sullissisunut pikkorissaatigineqarlutik.

Maannakkut pissutsit:

Meeqqanik ilaqutariinnik sullissisut Team 1. Ukioq 2021 tamaat meeqqat nalunaarutigineqarsimasut katillugit 319-upput, taakkuninnga 1.februar 2022 aallartinnerani sullinneqartut ingerlasut (arktiv) katillugit 119-ullutik.

Paarsisunut ilaqutariinnillu sullissisut Team 2.meeqqat angerlarsimaffiup avatanut assigiinngitsuni inissinneqarsimasut 2021-ip naanerani i meeqqat angerlarsimaffiup avataani inissinneqarsimasut katillugit 38 amerlassuseqarput.

Pisortatigut ikiorsiisarnermi immikkoortortaq. Ukiuni kingullerni sisami suliffissaaleqisut pisortatigut ikiorserneqartartut, imminut pilersornissaannut aqutissiorniarlugit pikkorissaanerit ingerlanneqarnikuupput, ataqatigiissakkamik inuttut ineriartornermut pikkorissaanerit annertuumik ingerlanneqarnikuullutik.

Siunertarineqarpoq

Ilaqutariinnut neqeroorutissanik ersarinnerusunik sukumiisumik sammisaqassalluta, Ilaqutariinnik sullissinermi ataasiakkaarineq ingerlatiutigalugit saniatigut ilaqutariit ajornartorsiutaat assigiikannersut eqimattaakkaarlugit sullissinissamut neqeroorutit amerlisaanerisigut

- Ilaqutariinnut meeqqanut inuusuttunullu neqeroorutit ersarissut
- Innuttaasut pisariaqartititik malillugit namminneq qinnutigisinnaasassaat.
- Sullissisut siunnersuinerminni neqeroorutigisinnaasat ersarissut

Sulisunut tunngasq

Maniitsumi ilaqutariinnut neqeroorutaasinnaasunik ilaqutariinnut inerisaavimmi sulisut aqutsisuallu peqatigalugit assigiinngitsunik neqeroorutinik pilersaarutit piareeqqapput.

Sullitanik tamakkiisumik ilisimaarinnissinnaaneq malinnaanissarlu.

Sulisut piginnaasaanik atorluaaneq.

- Ataatsimoorullugu sullitanik ukkassineq
- Suliassanik pingaarnersiuneq
- Sulisut imminnut kaammattoqatigiittut
- Sulisut piginnaasaannik qaffatsitsineq
- Sulisut ilinniarfigeqatigiittut
- Sulisunik nukittorsaaneq aammalu ikioqatigiittut.
- Suleriutsinik ineriartortitsineq

Aningaasaqarnikkut allaffissornikkullu kingunerisinnaasai

Aqutsisup akissarsiaasa iluarsiivigineqarnissaanut immikkut aningaasaqarnermi ataatsimiititaliamut qinnuteqaat ingerlanneqarpoq.

Atuilluartaunissakkut kingunerisinnaasai

Inatsisitigut piumasaqaataareersut sullissisut qanimut suleqatigiillutik aaqqiissuteqarfigisinnaavaat. Immikkoortortaqarfimmi ataatsimoortinneratigut nuuffiusussami sullissisut pioreersut ilisimasaannik atorluaasoqalissaaq, illup avataani suleqatit peqatigalugit qanimut aaqqiisoqarsinnaanera piumarnerulissaaq.

Allaffeqarfiup naliliinera

Atugarissaarnermut immikkoortortaqarfik Maniitsoq naliliivoq, Meeqqat ilaqutariillu aammalu pisortatigut ikiorsiissutinik immikkoortortaq ataatsimoortinneqarneratigut ilaqutariinnut sullissineq tamakkiisumik isiginnittaaseqarluni, aammalu sullissineq eqaannerusumik pitsaannerusumillu ingerlanneqarsinnaasoq. Immikkoortortap iluani ilisimasat inatsisillu attuuttut aallaavigalugit.

Innersuussut

Maniitsumi Atugarissaarnermut immikkoortorta qarfiup ilisimatitsissutigaa

1. Meeqqat ilaqutariillu aammalu pisortatigut ikiorsiissutinik immikkoortorta qarfiup ataatsimuulersumut 1.januar 2022 atuutilersumut
2. Aningaasaqarnermut ataatsimiititaliamut Kommunalbetyrelsen-imullu ilisimatitsissutitut ingerlatinneqassasoq

Aalajangiineq

Akuersissutigineqarpoq suliarlu Aningaasaqarnermut Ataatsimiititaliamut Kommunalbestyrelse-mullu ilisimatitissutitut ingerlateqqinneqassaaq.

Ilanngussat

1. Atugarissaarnermut immikkoortorta qarfiata aaqqissuussaanera

Imm. 6.3 Puigortunngortut ilaquataannut/qanigisaannut pikkorissartitsisimanermik ilisimatitsissut. Sisimiut

Journalnr. 48.02

Tunuliaqutaq

Sisimiuni puigortunngortut ilaquataannut/qanigisaannut pikkorissartitsinissap ingerlanneqarnissaa ukioq kingulleq pilersaarusiortugulu aallartinneqarpoq Pissassarfik suleqatigalugu. Tamatumani siunertaalluni puigortunngortumut ilaquataasut, qanoq periuseqarsinnaanissartik aammalu ulluinnarni qanoq puigortunngortoq inooqatiginerani iliuuserisinnaasatik nalornissutigisarmatigit, ilisimasariaqakkanik pikkorissarneqarnissaminnut immersorneqarnissartik pisariaqartitsinerat malunnarmat.

Maleruagassatigut tunngavigisaq

Utoqqarnik paaqqinniffiit il.il. pillugit Inatsisartut peqqussutaat nr. 11 ulloq 30. Oktober 1998-imeersaq.

Pissutsit atuuttut

Siullermik pilersaarutaqqaartut 2021-p ukiarnerani ingerlanneqartussatut aalajangiunneqarpoq, kisianni Pissassarfik-mi sulisut amigarnerat pissutigalugu qaammammut Februar 2022 ingerlanneqarnissaanut aalajangiunneqarluni. Tamannalu ulluni 12. Aamma 13. Februar 2022 pikkorissartitsineq ingerlanneqarpoq.

Pikkorissarnissamut peqataasinnaanermut periarfissinneqartut tassaapput puigortunngortumut; aappaasooq, qitornaasooq, ernutaasooq, qatannguaasooq, ukuaasooq ningaajusorlu. Peqataatitsinissamut nalunaaqqusineq Sivdleq aammalu Kommunip Facebook-ia aqqutigalugit saqqummiunneqarluni. Pikkorissaanermi Pissassarfimmi pillorissaasooq ingerlatitsisuuvoq.

Pikkorissarnissamut peqataanissamut nalunaartut qulit sinneqalaarput, tasaanerullutik; aappaasut aammalu qitornaasut qanigisaasullu.

Pikkorissaasup nalunaaruteqarnera malillugu, pikkorissaaneq ingerlalluarsimasooq aammalu peqataasut ilisimasaqarnerulersutut ersarissaavigineqarsimasutut misigisimasut.

Kisianni peqataasut eqqartuisarnerminni pakatsinermik nalaataqartarsimasut, Kommunimit puigortunngornerup paasisitsiniutigineqartarnera amigaatigineqartoq misigisarlugu, sumut saaffiginnissanerlutik ersarissumik innersuussisinnaasannigitsut, ulluinnarni unamminarsinnaasunut apeqqutit nalaatsillugit, pingaartumik puigortunngortut ilaquataasut namminerisaminnik najugaqartut eqqarsaatigalugit.

Aningaasatigut kingunerisinnaasai:

Annerusumik aningaasartuuteqanngilaq, inimut atuinnermut qitequnnernullu taamaallaat aningaasartuuteqartoqarpoq.

Atuilluartuunissakkut kingunerisinnaasai

Naluneqanngitsutut siusinnerusukkut Utoqqaat Angerlarsimaffiani puigortunngortunut ataqatigiissaarisumik sulisoqarnikuuvoq. Atorfeqartulli allamut nuunna pissutigalugu allamik atorfinitsitsisoqaaqqinneqarnikuunani.

Tamanna tunngavigalugu maannakkut Utoqqaat Angerlarsimaffiani ittuusoq paasiniaaffigineqarpoq, Utoqqaat Angerlarsimaffiani sulisut arlaannit puigortunngortunut ataqatigiissaarisutut ilinnialersaartoqarnersoq? Aammalu sulisut arlaannik ilinniartitsinissaq eqqarsaatigineqarsinnaanersoq.

Tamatuma kingunerisaanik Utoqqaat Angerlarsimaffiani ittuusoq akissuteqarpoq, soqutigalugu puigortunngortunut ataqatigiissaarisutut ilinniagaqartitsinissartik, kisiannili ilinniagaq Danmark-imi diplomuddannelse-ummat akisummallu sulii pilersaaruserfiginngikkallarlu.

Taassuma saniatigut pilersaarutigineqarpoq ukioq manna, sulisunik Juni-mi imaluunniit November-imi Nuummi demens kursus-ertoqarnissaani peqataatitsinissaq, akissaqassuseq apequtaatillugu sulisut 1-4 peqataatissinnaallugit.

Allaffeqarfiup naliliinera

Atugarissaarnermi immikkoortortaqarfiup Pissassarfik suleqatigalugu puigortunngortut ilaqutaannik/qanigisaannik pikkorissartitsisimaneq, qanigisaasut puigortunngortumik inooqateqarnermini ilisimanagerariaqakkanik pisariaqartitsinerat aallaavigalugu pikkorissaasimaneq iluatsilluarnera pitsaasutut nalilerpaa.

Malunnarpoq paasinarlunilu Sisimiuni puigortunngortunut ataqatigiissaarisutut peqarnissaa pisariaqartinneqartoq. Taamaasilluni pineqartunut ilisimannittunik peqalersuuppat, sullitanut ilaqutaasunullu pitsaasumik sunniuteqarluarsinnaanera ersarinnerulissammat.

Taamaattumik Atugarissaarnermi immikkoortortaqarfiup tapersersorpaa, Utoqqaat Angerlarsimaffiani sulisumik ilinniartitsinissamik pikkorissaanissamillu pilersaaruteqarneq.

Innersuussut

Atugarissaarnermut immikkoortortaqarfiup innersuussutigivaa Atugarissaarnermut ataatsimiititaliamut;

1. Puigortunngortut ilaqutaannik/qanigisaannik pikkorissartitsisimanagerup ingerlanneqarsimanera tusaatissatut tiguneqassasoq.
2. Puigortunngortunut tunngatillugu Utoqqaat Angerlarsimaffiata sulisuminik ilinniartitsinissamik aammalu pikkorissartitsinissamik pilersaarutai tusaatissatut tiguneqassasut.

Aalajangiineq

Tusaatissatut tiguneqarput.

Ilanngussat

1. Pikkorissarnermi sammeneqartut piffissallu ingerlanissaa.
2. Pikkorissaasup pikkorissarnerup naammassinerani nalunaarutaa.

08. Tamalaat

Imm. 8.1 Tamalaat

Soqanngilaq.